


Alkitab Sagan Kakanakan Mengenal akan

Yosua
Maambil
Tanggung
Jawab



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Musa sudah meninggal. Yosua tahu pada damini Tuhan mamilih inya, hagan mamimpin bangsa Israel. Sabalum Yosua manyiapi tantaranya inya harus manyiapi dirinya saurang. Tuhan manjanjakan kamanangan lawan kamakmuran hagan Yosua di Tanah Parjanjian amun urang Israel manaati Firman Tuhan tarus.




Urang-urang bajanji
hagan maumpati Yosua lawan
manaati Firman Tuhan tarus.



Lawan bijaksana,
pamimpin hanyar
ngitu mangirim
mata-mata ka
Kanaan hagan
mampalajari
partahanan matan
kota Yerikho nang
kuat. Paparangan
Israel nang
partama pacangan
tarjadi disana.






Saurang bapandir ka Raja Yerikho pada ada mata-mata di kuta. Inya mangirim tantaranya hagan mencari lawan manamuakan buhannya. Pancarian matan di rumah Rahab, dimana urang-urang ngintu bamalam. Tantara-tantara ngintu mangatuk lawang rumah lawan kasar. Mana gancang, Rahab manyungkupi buhannya di bawah rami.



Pas tantara-tantara ngintu tulak, Rahab makai tali bawarna habang tuh hagan manurunakan buhannya lawan salamat malalui tawing kuta. Kanapa inya manulung pangintai-pangintai ngintu? Ulih inya tahu pada Tuhan basarta lawan buhannya. Inya handak Tuhan manyalamatakan hidupnya. Pangintai-pangintai ngintu bajanji hagan manyalamatakan Rahab lawan kaluarganya.




Sabalum mancapai kuta Yerikho, urang-urang Israel harus manyubarang sungai Yordan hagan masuk ka Kanaan, Tanah parjanjian. Tapi kada ada jambatan disana! Kayaapa bisa urang-urang ngintu manyubarang?




Tuhan maucap ka Yosua imam-imam harus mamimpin tantara lawan urang-urang hagan mambawa tabut parjanjian nang baisi Sapuluh Hukum. Di mana batis para imam majapai pinggir sungai, Tuhan malakuakan sabuting mujizat. Tuhan maulah jalan karing malalui banyu.




nSasudah samunyaan urang manyubarang lawan
salamat, buhannya maandakan dua walas batu ganal di
wadah buhannya bamalam lawan dua walas lainnya di
tengah-tengah sungai Kanaan. Ngini pacangan
mangingati urang-urang ngini hagan
mangajaraka ka anak-anak
buhannya mangapai kuasa
lawan kasih Tuhan
nang ganal.





Yerikho baisi tawing nang tabal lawan kuat. Pas Yosua marancanakan sarangannya, Tuhan mangirimakan saurang Kaptin matan tantaraNya di Surga hagan mangingatakan pamimpin Israel nang hanyar ngintu bahwa Tuhan nang mamanangkan paparagan hagan umatNya.







Tuhan maucap ka Yosua hagan manyarang Yerikho. Ngini marupaakan rancana nang aneh. Umat Tuhan harus babaris mangalilingi kuta sakali sahari salama anam hari, lawan tujuh kali pada hari ka tujuh. Imbah ngintu buhannya harus manip tarumpit lawan basurak, lawan tawing-tawing kuta ngintu pacangan runtuh.



Yosua lawan tantaranya malakuakan nang kaya diparintahakan Tuhan. Panduduk kuta Yerikho manawaakan buhannya. Tapi, sasudah tujuh hari babaris imam-imam maniap tarumpit tanduk dumba. Lawan kaya nang dijanjikan Tuhan ...

TAWING YERIKHO
NANG HIBAT NGINTU
RUNTUH!

7





Rumah Rahab hajanang selamat. Inya mangantukakan tali banang kirmizi (tali bawarna habang) di jandila.





Lawan lakasnya urang-urang
Yosua manyalamatakan Rahab
lawan kaluarganya. Imbah
ngintu Yerikho dihancurakan,
atas perintah Tuhan.





Lawan bujur-bujur, Yosua
mamparsambahakan amas,
pirak lawan barang-barang tambaga
lawan wasi ka parbandaharaan rumah
Tuhan. Imbah ngintu inya mangutuk satiap
urang nang mancuba hagan mambangun
baasa kuta nang jahat ngintu.





Lawan satiap urang di Kanaan
mandangar kayaapa Yosua
mangalahakan Yerikho. Buhannya
tahu pada Tuhan manyartai umatNya.



Yosua Maambil Tanggung Jawab

Sabuting kisah matan Firman Tuhan, Alkitab

Taulih dalam

Yosua 1-6

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

